



GREGORII XIII.
P A P Æ

LITTERÆ MONITORIALES
*ad Principes, Duces, Marchio-
nes, &c.*

*Et Archiepiscopos, Episcopos aliósq;
Ecclesiasticos Regni Francorum,
qui Regis partes sequuntur.*

Et ad eas Turonense Senatuscon-
sultum.



FRANCOFVRTI
Ex officina Typographica Martini
Lechleri,

M D X C I.

THE NEWBERRY
LIBRARY

Case

F


39

326

159/c2

Ad Lectorem.

EN tibi, lector, Gregorij Sfondrate Pontificis Romani littera: quibus fidelium Regis Christianissimi subditorum animos corruptor sollicitat. Iis, verbosioris responsi vicem, S. C. Principis Regni Francorum Senatus bona fide expressum subiunximus: in cuius sententiam, & alia Parliamenta ierunt. Ne falsus sis: nulla hinc vis interuenit; nullus fauor. Rege procul Turonibus occupato, dicta sententia: & dicta ab hominibus Religioni, quam Cath. Apost. Rom. vocant, addictis: à Religione, quã Reformatam dicimus, alienis; sed quibus auitum hoc: Non pati Regni Francorum dignitatem, Pontificum audaciã, imminui. Itaque, nihil hinc leges nou pronunciatum antea, factitatum ve. Idem in Bonifacium VII. PP. eiusque nuncios, sub Philippo Rege: idem in Benedictum XIII. eiusque nuncios, sub Carolo VI. Rege: idem in Iulium II. sub Ludouico XII. Rege: idem in alios à nostris obseruatum atque etiam seuerius animaduersum legimus. Sed quod de auro aut argento Romam minimè transportando, aut transcribendo hic leges: ne mireris. Roma, hirudo est, quæ Galliã aurum argentumque exsugit. Narrauit in concilio Basiliensi archiepiscopus Lugdunensis, tempore Martini Papæ, in curiam Romanam venisse de Francia, nouem miliones, id est XC thonnas auri. Alij alia notarunt. Ego, hoc ne nescires, Lector, volui. Vale.



LITERÆ


S^{mi} D. N. D. GREGORII
Divina Providentia

Papæ XIII

Exhortatoriæ & monitoriæ ad
Principes, Duces, Marchio-
nes, & Comites, aliósq; regni
Franciæ proceres ac Nobiles,
Henrici Borbonii quondam
Nauarræ regis partes sequen-
tes:

Necnon ad Communitates, V-
niuersitates, & populos, atque
cæteras personas seculares sub
eiusdem Henrici dominatu
existentes:

Ne eidem Henrico vlterius ad-
hæreant, vel quoquo modo
faueant.



GREGORIVS EPI-

scopus *seruus seruorum* Dei:

Vniuersis & singulis Principibus, Ducibus, Marchionibus, Comitibus, aliisque regni Franciæ Proceribus, ac Nobilibus Henrici Borbonij quondam Nauarra regis partes sequentibus, vel apud eum commorantibus, nec non prouinciarum, ciuitatum, oppidorum & locorum sub eiusdem Henrici dominatu existentium Communitatibus, & vniuersitatibus, ac populis, ciuibꝯque & incolis quibuscunque salutem, & spiritum sanioris consilij.



O S T Q V A M diuinæ placitum est bonitati, quæ vocat ea quæ non sunt, tanquam ea quæ sunt, humilitatem nostrā ad *munus Apostolicum* omnium maximum & grauissimum, & ipsis Angelicis humeris formidandū vocare; animo reuoluentes ingētia, quibus populus Christianus affligitur, mala, variasque eiusdem ærumnas, & calamitates, & inprimis Regnum Franciæ olim præstantissimum Ecclesiæ columen, &
Ctho-

Catholicæ fidei firmissimum præfidiū,
ac propugnaculum, exortis in eo iam-
diu de Religione ac de Regno diffidiis
in partes distractum, intestino & cru-
deli bello ardere, & miserandū in mo-
dum conflictari; scissum est cor no-
strum doloris amaritudine, nec potui-
mus nostram, & afflictī populi vicem
vehementer non lugere. Sed in eo fir-
mam habētes fiduciam, qui sperantes
in se nunquam deserit, atque cum Ec-
clesia sua, & cum fidelibus seruis suis
vsque ad consummationem seculi se
futurū esse pollicitus est, nec permis-
surum vt portæ inferi præualeant ad-
uersus eam; animum ereximus, sta-
tīmque cogitatus, laborésque nostros ad
id conuertimus, vt regno & nationi i-
sti tantopere de Ecclesia Romana be-
nemeritæ, & nunc gravissimè laboran-
ti, quam celerrimè opera, studio, vigi-
lantia, curaque pastoralī, & ipsa si ne-
cesse sit *sanguinis & vitæ nostræ effusione,*
opportunam ac necessariam opem fera-
mus. Nouit Deus scrutator cordium,
nos nec nostris, nec alterius cuiusquā

cupiditatibus, vel affectibus humanis duci, non nostra quærere, sed quæ sunt Iesu Christi, nihilque ante oculos habere, nisi Dei gloriam, animarum salutem, publicam quietē & tranquillitatem, ac Regni istius nobilissimi cō-servationem. Speramus equidem eū-dem Deum, qui bonarum consuevit esse adiutor mentium, sicut etiam largitor est, pro immēsa misericordia sua piis nostris conatibus propitium fore, optatūque incrementum daturum. Sed vestra tamen in hoc pietate, vestra opera & obsequio indigemus, quia vos sine vobis saluos facere non possumus. Alios omnes qui in armis sunt, & vobis aduersantur, in potestate nostra fore non dubitamus; si vos idem facere in vestrum animum induxeritis, omnia erunt facilia, & breui tempore religio, pax, ac istius regni nationisque gloria pristinum in locum restituentur. Oportet sane eos qui generis nobilitate præfulgent, Christiana in primis pietate, ac fidei Catholicæ cultu & obseruātia præcellere; sine quibus nulla po-

la potest esse vera nobilitas, dicente Domino: Quicumq; honorificauerit me, glorificabo eum; qui autem contemnunt me, erunt ignobiles. Reges vestri summum regiae dignitatis fastigium assecuti, etsi nihil amplius eis addi posse videbatur; pro suis tamen erga Dei Ecclesiam sanctamq; fidem Catholicam maximis meritis ac beneficiis, pulcherrimo Christianissimi cognomine ab eadem Ecclesia decorati, id ornamentum non minus cupidè quàm deuotè susceperunt, ac longè pluris quàm Regiam ipsam dignitatem aestimarunt. Quando igitur Reges optimi ac prudentissimi nihil habuerunt antiquius, quàm vt ad proprium, ac aliorum exemplum & ædificationem, ipsorum erga sanctam Ecclesiam Catholicam quàm maximè eluceret pietas atque deuotio, quanto magis de-
cet vos omnes, & eos præsertim qui nobilitate præstant, tantorum Principum vestigia sequi, & sanctæ matris Ecclesiæ dicto audientes esse, ac monitis consiliisque salutaribus obtemperare?

Igitur vt opportuna aliqua ratio à nobis, Deo iuuante, iniri possit, id quod dies noctesq; cogitam⁹, qua tot impendentibus malis occurratur, & *talem habeatis Regem qui dignus sit vobis præesse & dominari*, ac verè pius sit, & re & nomine Christianissimus: vos his nostris literis, quas vt ad omnium notitiam celerius perferantur, nec quisquam earum ignorationem prætereundum possit, volumus in Parisiensi, Aurelianensi, Lugdunensi, Aquensi & Tholosana, vel aliarum ciuitatum Ecclesiis Cathedralibus, more solito dum ibi diuina celebrabuntur officia, publicari, earumque exempla valuis earundem Ecclesiarum affixa relinqui, & post mensem à die publicationis huiusmodi numerandum, ita eos omnes ad quos pertinent afficere & obligare, ac si eis singulis lectæ & intimatæ fuissent; hortamur & per viscera misericordiæ Dei & Domini nostri Iesu Christi omni efficaciori quo possumus modo, ac etiam sub interminatione diuini iudicij rogamus, obsecramus, obtestamur, ac monemus,

nemus, ne diutius Henrico Borbonio quondā Nauarræ Regi adhæreatis, vel quoquomodo faueatis: Ipse. n. à teneris annis pessima hæreticæ matris educatione corruptus, cū iā esset adultus, & in ea ætate qua bonum à malo, hæreticorum mendacia à Religionis Catholica veritate discernere poterat, Parisiis publicè in Ecclesia vbi Rex & Regni Principes, ac Proceres frequentes aderant, post nonnullas disputationes inter Catholicos Sacræ Theologiæ Doctores & hæreticorum ministros ipso instante atque præsentē factas, fidem Catholicam amplexus & professus est, hæresibus, quibus antea imbutus fuerat, detestatis & abiuratis; & præterea sincerum se, ac verum Catholicæ fidei cultorem deinceps omni tempore futurum pollicitus est: scriptis etiam literis ad sanctæ memo. Gregorium Papam XIII. prædecessorem nostrum, quibus eum supremum Catholicæ Ecclesiæ caput agnoscebat; & supplex deprecabatur, vt conuersionis & obedientiæ suæ confessionem

acceptam habere, & præteritorum criminum veniam cōcedere dignaretur (quod & obtinuit) firmiter promittēs se fidem Catholicā perpetuò, integrè ac inuiolatè seruaturum: Et deinde etiam Oratore Romam misso, qui suo nomine obedientiam eidem Gregorio prædecessori præstaret, atq; de pœnitentia, conuersione, fide & constantia sua in sedis Apostolicæ conspectu sponderet, prout in publico Consistorio, assistentibus eidem Sanctæ Romanæ Ecclesiæ Cardinalibus, necnō præsentibus compluribus Prælatis, & Romanæ curiæ Officialibus, aliisque innumeris personis, per eundem Oratorem præstitit & spopondit, ac publico proposito edicto, in suæ ditionis prouinciis, & terris fidem Catholicam restitui, eamque solam ab omnibus suis subditis seruari mandauit, falsamque Religionem seu hæreses in eis prædicari aut teneri prohibuit. Atque ita per aliquod tempus vt Catholicus haberetur, exteriore cultu præ se tulit. Attamen cū postea violato iureiuran-

rādo, & fracto promissionis quo se ob-
strinxerat, vinculo, repentē Catholicæ
Religionis hostem acerrimum, hære-
ticorumque caput ac principem se de-
clarasset, atque in Ciuitates & Oppida
tunc temporis ab eo capta hæreticos
prædicantes introduci iussisset, atque
omni conatu ad ipsas hæreses confir-
mandas & propagandas incubuisset;
iure ac merito fel. rec. Sixtus Papa
Quintus etiā prædecessor noster, eun-
dem Henricum fuisse & esse hæreticū,
in hæreses relapsū, & impœnitētem,
hæreticorum quoque ducem, fauto-
rem, & defenforem manifestum, pub-
licum & notorium adeo, vt nulla pos-
set se tergiuersatione aut excusatione
defendere; ac proinde damnabiliter
incurrisse in censuras & pœnas à sacris
canonibus, aliisque apostolicis consti-
tutionibus & legibus statutas; atq; præ-
tenso Nauarræ Regno, vel illius parte
ac Bearnī, & quocunque alio princi-
patu, Dominiis, Locis, feudis ac bonis
& successioneibus, necnō dignitatibus,
honoribus, muneribus & officiis, etiā

Regiis ac iurisdictionibus, & iuribus, quæ de facto obtinebat, aut ad quæ ius quomodolibet habebat seu prætendebat, ipso iure priuatum ac indignum, inhabilem & incapacem ad illa, & alia in posterum huiusmodi obtinenda seu retinenda, & ad succedendum in quibuscunque Principatibus, Dominiis & Regnis, ac specialiter in Regno Franciæ fuisse & esse, per suam sententiam, de eorundem S. R. E. Cardinalium consilio pronuntiavit & declarauit: prout in literis eiusdem Sixti prædecessoris, Anno incarnationis Domini cæ M. D. L X X X V, quinto Idus Septembris Pontificatus sui anno primo de super editis plenius cõtinetur. Quãobrem cum his & aliis in dies contra fidem Catholicam supercrescentibus eius culpis, idem Henricus ad successionem dicti regni Franciæ prorsus inhabilis, & incapax existat, ac propterea nos & Catholica Ecclesia de eo confidere amplius non possimus, nullam videmus causam cur vos, & præsertim ij nobiles, qui forte sub falsa conuersionis

nis

nis illius spe decepti, cum secuti sunt, vlllo modo ei posthac confidere possitis, vel debeatis. Quis enim potest ei confidere, qui fidem quam promiserat abnegavit? Quæ enim participatio iustitiæ cum iniquitate? aut quæ societas luci ad tenebras? Quæ autem conventio Christi ad Belial? aut quæ pars fidei cum infideli? Nolite itaq; vnus hominis causa, à vera pietate & nobilitate tantopere degenerantis, vos, vestraque omnia in extremum discrimen adducere. Satis illi operæ, & obsequii præstitistis, satis superque laborum & periculorum, vt ei morem gereretur, subiistis. Nunc vos sancta mater Ecclesia fidésq; Catholica, nunc patriæ charitas, nunc bonorum omnium cōsensus vos retrahit, & in summo periculo validum pietatis ac virtutis vestre consilium exposcit. Et si qui, ut diximus, illum ducē eo animo secuti sunt, quòd sperarint posse eum à prauis opinionibus abduci, & ad Catholicæ fidei veritatem redire, cū hæc ipsa spes prorsus euanuerit, & huic excusationi nul-

lus amplius relictus sit locus; tempus est mutato in melius consilio, perniciosas societates & coniunctiones dirimendi, sibi que & aliis in posterum recte consulendi. Etenim qui primo quoque tempore id non fecerint, nec apud Deum, nec apud homines excusare se poterunt, & non parua honoris & fame iactura nunc & in futurum per omnem ævum subeunda erit. Non latet vos Franciæ Regnum superioribus seculis tamdiu floruisse, ac firma pace & quiete potitum esse, quamdiu piis Regibus paruit. Nunc ut bona hæc reparentur, bono & pio Rege opus est: quia ubi Deus rectè colitur, aduersitas non habebit effectū. *Paterne erga vos animus noster*, vel ex eo maximè patebit, quòd cum in contumaces aliquid seuerius secundum sacrarū legum normam statuendum videretur, *Spiritu tamen lenitatis & mansuetudinis*, ex quadā amoris & charitatis abundantia, uti malimus, sperantes vos vicissim expectationi, ac desiderio nostro cumulatè responsuros, ac re ipsa declaraturos non minus

minus pietate, ac sedis Apostolicæ reuerentia, quàm generis claritate similes vos esse velle maioribus vestris, qui Christianis quondam virtutibus conspicui, ac verè nobiles, hâc sui nominis memoriam tanquam opulentam præclaramq; hæreditatem vobis reliquerunt, & si nunc viuerēt, id ipsum, quod à vobis petimus, summis precibus à vobis contenderent & impetrare conarentur. Proinde si hac in re ita vos gesseritis, sicut pios & obediētes Ecclesiæ filios decet, persuasum ac certū vobis esse volumus, nos omni tempore personæ, dignitatis, status commodorumque, ac desideriorū vestrorum, quantum cum Domino licebit, eximiam esse rationē habituros, nullumque vel amantissimi patris, vel vigilantis Pastoris erga vos, totūmq; Regnum inclytāmq; nationem vestram officiū prætermisso. Verum si aliter ac cupimus & suademus de vobis euenire contingat, paternaque vox & hortatio hæc nostra prompto animo nō admittatur, considerate quæsumus nobis et-

iam inuitis, ex officij & conscientiæ
nostræ debito, ne patientia & lenitas
vertatur in culpam, extremam impo-
situm iri necessitatem: *ingrauescenti
huic morbo acriora adhibendi remedia, &*
loco paternæ benignitatis, qua hæcenus
Sedes Apostolica vsa est, seueri iudicis perfo-
nam induendi. Sed absit vt hoc de vo-
bis suspicemur, abhorret animus & præ
dolore commouentur viscera nostra.
Expectare igitur & sperare malumus
recti sanique cōsiliij effectum optatum
& salutarem, Deum omnipotentem
orantes, ut ad id corda vestra sancti sui
spiritus gratia illuminet & accendat.
Cæterum vt quantę nobis curę sit Re-
gni istius salus & conseruatio modis o-
mnibus ostendamus, mittere prope-
diem istuc *decreuimus militares copias*
Heluetica nationis vnà cum equitatu non
modico, quibus præficere in animo ha-
bemus vnum ex consanguineis nostris
intimis & charis, cui plenè confidere,
ac sensus vestros sine vlla dubitatione
aperire possitis, quique adiutor & pro-
tectō sit omnibus Dei & sanctæ reli-
gionis

gionis causam defendentibus, & bonum publicum procurantibus. Nunc verò mittimus dilectum filium magistrum Marfilium Landrianum vtriusque signaturæ nostræ referendarium, virum claritate generis, ac fide industriaque singulari præditum, ut istic nostri & Apostolicæ sedis nuntii munere fungatur, vobisque consilio & opera ubicunque oportuerit præsto sit, cui mandata nostra publicè vel priuatim referenti fidem plenam habebitis. Quia verò difficile foret præsentem litteras singulis vestrum præsentari, & ad singula loca deferri ad quæ oportet, volumus ut earum transumptis etiam impressis, manu publici notarii, & sigillo personæ in dignitate Ecclesiastica constitutæ obsignatis, eadem prorsus fides ubique gentium & locorum in iudicio & extra illud adhibeatur, quæ eisdem originalibus adhiberetur, si essent exhibitæ vel ostensæ. Nulli ergo omnino hominum liceat hanc paginam nostræ hortationis, rogationis, obsecrationis, obtestationis, monitionis


ac voluntatis infringere, vel ei ausu temerario cōtraire. Si quis autē hoc attētare pręsumpserit, indignationem omnipotentis Dei, ac Beatorum Petri & Pauli Apostolorum eius se nouerit incursum. Dat. Romę apud S. Petrum anno incarnationis Dominicę millesimo quingentesimo nōagesimo, Kal. Martii, Pōtificatus nostri anno primo.

L. DAT.

M. Vestrius Barbianus

A de Alexijs

LITE.



LITERAE MONITORIALES


S^{mi} D N. D. GREGORII

Divina Providentia

Papæ XIII.

Etiam sub censuris & pœnis, ad Archi-
episcopos, Episcopos, Abbates, Pri-
ores, cæterosque Ecclesiarum secu-
larium & regularium Prælatos, Ca-
pitula, Collegia & conuentus ac per-
sonas Ecclesiasticas quascunque per
Regnum Franciæ constitutas.

Vt ab Henrico Borbonio quondã Na-
uarre Rege ac ab eius sequacibus,
fautoribus & defensoribus, illiq; ad-
herentibus Principibus & Proceri-
bus, ac aliis qui apud eum sunt, o-
mnino recedant, atque illum & il-
los prorsus deserant & de-
relinquant.



GREGORIUS EPISCOPVS

seruus seruorum Dei:

Vniuersis & singulis venerabilibus fratribus Archiepiscopis & Episcopis, ac dilectis filiis Abbatibus, Prioribus, ceterisque Ecclesiarum secularium & regularium Prælatiſ, Capituliſ, Collegiis & Conuentibus, ac personis Eccleſiaſticis, quibuſcunque per regnum Franciæ conſtitutiſ, ſalutem & Apoſtolicam benedictionem.



BEATISSIMI Apoſtolorum principis *Petri Cathedra, ſuper quam Dominuſ, ac Redemptor noſter Ieſuſ Chriſtuſ ſuam ædificauit Eccleſiam, eodem Petro, ac illiuſ ſucceſſoribuſ totiuſ gregiſ ſui Paſtoribuſ conſtitutiſ, diſpoſitione diuina, licet tanto loco & munere indigni, præſidenteſ, pro iniuncta nobiſ Eccleſiarum omnium ſolitudine, cunctiſ gentibuſ, ac populis, quam debemuſ paſtoralem vigilantiam, & curam, ipſo iuuante Domino præſtare cupimuſ & conamur. Proinde cùm inter grauiffima quibuſ vndique premimur*

mimur Christianæ Reipub. mala, nihil
 equè animum nostrum perculserit, an-
 xiúmque & sollicitum reddiderit, ac
 regni istius Franciæ præstantissimi Ec-
 clesiæ membri, nobisque & sanctæ sedi
 Apostolicæ ob multa & præclara eius
 merita charissimi & coniunctissimi, tã
 diuturna omnium rerum perturbatio,
 ingensq; & inueterata calamitas, quæ
 non solum vrbes, oppida, agros, terre-
 naque omnia, sed ipsa etiam spiritualia
 & cœlestia bona, nempe verum Dei
 cultum, animarúmque salutem aggressa
 est, immensámque stragem, instigan-
 te generis humani hoste edere parat,
 nisi maturè & fortiter ab omnibus re-
 gni ordinibus concordî animo, & ab iis
 præsertim qui Dominici gregis curæ
 & custodiæ præsumt, resistatur. Quare
 sicut nos afflictioni vestræ ac totius re-
 gni, paterna miseratione compatimur,
 nullúmque erga vos veræ pietatis offi-
 cium prætermisuri sumus, ita vos pro-
 bationis vestræ tempus debetis agno-
 scere, & contra impetus oppugnantíũ,
 munitionibus cœlestibus freti, incom-

mutabilis animi constantiam præparare, memores, quo maior ingruit *aduersitas, & tribulatio*, eò feruentius *insistendū esse orationibus, ieiuniis, predicationibus, hortationib. admonitionibus, alijsq; piis, & Deo gratis operibus*, quib. scilicet, & propitius reddatur Deus, & ij permoti, qui veritati Catholicæ, & publicæ paci obfistunt, tandem aliquando quiescant, & ab instituti prauitate, diuina opitulante gratia, deducantur, impijsq; vias suas derelinquant. Quam autem vim habeant ad placandam *Dei iram, puræ & immaculatæ sacerdotum vitæ, assidueque ac deuotæ ad Deum fusæ preces*, multis in locis sacra testantur eloquia. Hæc sanè prima sunt & validiora fideiū Dei feruorū arma, quibus tamen postea cū opus sit, iungēda sunt alia auctoritatis, & *diuinitus traditæ potestatis*. Sed dolendum est, & quidē grauiter dolendum, nonnullos vestri ordinis adeo ipsoꝝ officij oblitos, vt eisdem Ecclesiæ Catholicæ aduersariis, pacisq; turbatoribus, ne verbis quidem resistere ausi sint tanquam canes muti, non valentes latra-

latrare:quinimo,vt fama est,turpiter& magno cum bonorum omnium dolore , & Ecclesiastici ordinis dedecore, eis se comites,& adiutores præbuerint, quasi de Henrico Borbonio quondam Nauarræ rege, quæ cunctis notissima sunt & manifesta, ipsi ignorare possent vel deberent. Qui quidem Henricus à primis annis matris opera hæresibus infectus,in eis diu perseuerauit,& cùm iam adulta esset ætate, malúm q; à bono, hæreticorum à fidei Catholicæ veritate secerneret,Parisiis publicè in Ecclesia vbi rex ac regni Principes,& Proceres frequētes aderant, post nonnullas disputationes inter Catholicos S. Theologiæ Doctores,& hæreticos ministros, ipso instante atq; præfente habitas, fidem Catholicam amplexus atque professus fuit, hæresibus, quibus antea imbutus fuerat detestatis & abiuratis,ac verum se & sincerum Catholicæ fidei cultorē deinceps omni tempore futurū pollicitus est, & postmodum literas ad sanctæ memoriæ Gregorium Papam x i i i prædecessorem

nostrū scripsit, quibus eum supremum
Ecclesiæ Catholicæ caput agnoscens
supplex deprecabatur, vt conuersionis
& obedientiæ suæ confessionem accep-
tam habere, præteritorumque crimi-
num veniam ei cōcedere dignaretur,
quod & obtinuit, firmiter etiam pro-
mittens se fidem Catholicam perpe-
tuò, integrè, & inuiolatè seruaturum;
& deinde oratore Romam missō, qui
suo nomine obedientiam eidem Gre-
gorio prædecessori præstaret, atque de
pœnitentia, conuersione, fide, & con-
stantia sua in sedis Apostolicæ conspe-
ctu sponderet, prout in publico confi-
torio, assistentibus eidem S. Romanæ
Ecclesiæ Cardinalibus, nec nō præsen-
tibus plurimis Prælatiis, & Romanæ cu-
riæ officialibus, aliisque innumeris per-
sonis, per eundem oratorem præstitit
atque spondit. Quinetiam publico
proposito edicto in suæ ditionis pro-
uinciis ac terris fidem Catholicam re-
stitui, eamque solam ab omnibus suis
subditis seruari mandauit, falsamq; re-
ligionem seu hæreses in eis prædicari
vel

vel teneri prohibuit, atque ita per aliquod tempus, vt Catholicus haberetur, exteriore cultu præ se tulit. Et nihilominus cùm idem postea violato iureiurando & fracto promissionis quo se obstrinxerat vinculo, repentè Catholicę religionis hostem acerrimum, hæreticorúmque caput, ac principem se declarasset, atque in ciuitates & oppida recens ab eo capta hæreticos prædicantes introduci iussisset, atq; omni conatu ad ipsas hæreses confirmandas & propagandas incubuisset, atque ita se vt fidei desertorẽ, promissionis fractorem, & iurisiurandi violatorem regno Francię indignum & incapacem reddidisset, iure ac meritò, felicitis recordationis Sixtus Papa quintus etiam prædecessor noster eundẽ Henricum quondam Nauarrę regem vt hereticum in hæreses relapsum & impœnitentem adeo manifestum, publicum & notorium, vt nulla posset se tergiversatione & excusatione defendere, damnabiliter incurrisse in censuras, & pœnas à sacris canonibus, aliis-

que apostolicis constitutionibus, & legibus statutas, atque prætenso Nauarræ Regno vel illius parte ac Bearn, & quocunque alio Principatu, Dominiis, locis, feudis, ac bonis & successionibus, necnon dignitatibus, honoribus, muneribus, & officiis, etiam Regiis ac iurisdictionibus & iuribus, quæ de facto obtinebat, aut ad quæ ius quomodo libet habebat seu prætendebat, ipso iure priuatum, ac indignum, inhabilem, & incapacem ad illa, & alia in posterum obtinenda seu retinenda, & ad succedendum in quibuscunque Principatibus, Dominiis & Regnis, ac specialiter in Regno Franciæ per suam sententiam, de eorundem S. R. Ecclesiæ Cardinalium consilio pronuntiavit & declarauit, prout in literis eiusdem Sixti prædecessoris anno incarnationis Domini, Millesimo quingentesimo octuagesimo quinto, quinto Idus septēbris, Pontificatus sui anno primo, de super editis plenius cōtinetur. Nemo igitur vestrum qui tam grauitur deliquit, eorū quæ superius dicta sunt, ignorantia, vel

ne, vel cuiusuis alterius causę aut rationis vel excusationis obtentu tueri se aut defendere potest. Quis enim nesciat quę Deo, & Sanctę Ecclesię Catholice proprię debentur & spondentur, ea vel sanguini vel amicitię, vel gratię, vel precibus quorumuis hominũ, aut cuicunque alteri respectui, & affectui, humano dari non posse? Etenim si hæc confundantur, ubi vestra erit religio, fides, pietas, commissarum ouium cura, & debita sedi Apostolicę obedientia? Meminisse vos oportet eorum quę Dominus per Ezechielem comminatus est malis pastorib. Æternus enim Pastor & Iudex, quę vobis commisit, irrequisita non relinquet, cui tanto districtius rationem reddituri estis, quāto digniora & potiora sunt quę accepistis. Cui enim plus creditum, ab eo plus exigendum. Et si neglectus error ouium culpa pastorum est, quid ergo fiet illis Pastoribus, qui errantes ipsi & delinquentes alios secum in eisdem errores, & delicta pertraxerunt, vel erroris causam dederunt? Cæterũ si pau-

lo altius præsentium ærumnarum radicem quærere velimus, vtique inuenimus, non multo ante tempore, Frâciæ Reges dum variis bellis impliciti *dominandi causa fœdera cum Infidelibus, & amicitiam cum hereticis contraxerunt,* eorumque auxilia acciuerunt, hac potissimum de causa, quamquam aliæ nō defuerint, Dei iram in se posterosque suos, & subiectos populos prouocasse. Inde inuectæ in Regnum hæreses; inde diffidia; inde ciuiles discordiæ; inde atrox, & intestinum hoc bellum excitatum, & ad hæc vsque tempora productum. A capite igitur omne malum cuius nec finis apparet, nec sperandus, aut expectandus est, nisi cū Dominus bonum & pium vobis dederit Regem, nomine & actione verè Christianissimum. Quamobrem vnusquisque vestrū cogitet, qua ratione pro virili sua Sæctæ Religionis Catholicæ defensionī, Ecclesiarum conseruationi, ac totius Regni paci & quieti prodesse possit, ad idque animum & vires, & facultates omnes suas intēdat, minime dubitans

bitās, quin misericors & miserator Dominus, præsentibus miseriis & aduersitatibus finē cito sit impositurus, iuxta illud: Diligentibus Deum omnia cooperantur in bonum. Nos certè quæcunque poterimus, *non solum spiritualia & temporalia, sed etiam militaria auxilia periclitanti* Religioni Catholicæ ac Regno subministrare non omitemus, atque utinam possemus ad vos iter facere, & præsentis fraternæ Charitatis opus incessanter exhibere, nullis laboribus, nullis periculis, nec etiam sanguinis & vitæ nostræ parcentes: Sed cum id, nec per ætatem, nec per valetudinem, nec etiam per eas, quas hîc sustinemus molestias & difficultates, agere nobis liceat, saltem dabimus omnem operam, ne quid à vobis tali vestro tempore iustè desideretur, quod à nobis, & ab hac sancta sede proficisci possit. At verò præcepti illius Domini memores, quo iubemur in persona Beati Petri fratres nostros confirmare, illos quidem qui in officio, & vocatione sua firmiter permanserunt, &

quibus potuerunt modis, Dei & sanctæ
Religionis Catholicæ causā iuuerunt,
populosq; sibi creditos in fide & officio
retinuerunt, hoc nomine laudamus,
diligimus, charosque habemus, ac om-
ni honore & præmio dignos iudica-
mus. Hortamurq; etiam ut vsque ad fi-
nem constanter in eo perseuerent, nec
laboribus, vel periculis aut minis etiā
mortis deterreantur, cū *sciant bonum*
pastorem animam ponere debere pro ouibus
 suis, sed indies magis merita apud Deū
sua augere studeant, atque ita optatam
illam vocem audire mercantur: Euge
serue bone & fidelis, quia super pauca
fuiſti fidelis, super multa te constituā,
intra in gaudium Domini tui. Alios
verò, quod dolēter referimus, qui à via
recta declinarunt, ne ipsi officio nostro
desimus, & ne cum malè agētibus pro-
pter silentium cōdemnemur, corrigi
& emendari cupientes vniuersos & sin-
gulos Archiepiscopos, Episcopos, Ab-
bates & Prælatos, nec non Capitula,
Collegia, & Cōuentus, atq; alias quas-
cumq; Ecclesiasticas personas, cuius-
uis

uis ordinis, status, gradus, prærogatiue,
præeminentiæ & dignitatis existât, me-
moratum Henricum quondã Nauar-
ræ Regē sequentes, vel comitantes, aut
quoquomodo ei; vel Principibus, aut
Proceribus illi fauentibus vel adhærē-
tibus fauentes vel adhærentes, auctori-
tate Apostolica tenore præsentium in
Domino requirimus & monemus, i-
pſisq; in virtute sanctæ obedientiæ di-
strictè *præcipiendo mandamus*, quatenus
sub suspensionis à Diuinis, à regimine Ec-
clesiarū, ac ab illarum ingressu, & fru-
ctuum perceptione earūdem Ecclesiarū,
& beneficiorum suorum quorūcum-
que quoad Episcopos & superiores:
quo verò ad alios inferiores, sub excō-
municationis maioris, itemque amif-
sionis omnium fructuum similiter Ec-
clesiarum, Monasteriorum, & benefi-
ciorum Ecclesiasticorum quorumcū-
que secularium, vel regularium cuius-
uis ordinis, & cōgregationis quæ quo-
modolibet obtinent in titulum, vel
commendam, ac quoad Capitula, Col-
legia & conuentus interdicti, etiā Ec-

clesiastici, aliisque Ecclesiasticis censuris, & arbitrio nostro infligendis, & irrogandis pœnis, illico omni & quacunque postposita mora, exceptione, aut excusatione; ac saltem intra terminum quindecim dierum immediatè sequentium post diem publicationis presentium literarum modo & forma infra scriptis faciendæ, quorum quinque pro prima, quinque pro secunda, & reliquos quinque dies pro tertia Canonica monitione, ac tertio & ultimo peremptorio termino ipsis præfigimus, & assignamus, ab eodem Henrico, ac ab eius sequacibus, fautoribus & defensoribus, illiq; adhærentibus Principibus & Proceribus atque aliis, qui apud eum sunt, omnino recedant, illumque & illos prorsus deserant & derelinquant, neq; ullam cum eis societatem, fœdus, ligam, aut consuetudinem habeant, ineant, foueant, aut retineant, vel opem, præsidium, auxilium, consilium vel fauorem eis directè vel indirectè, per se vel alium, seu alios quouis præstituto colore vel prætextu, aut aliàs quomodolibet

modolibet præstent aut impendant.
Quod si qui eorū re ipsa, ac omni do-
lo, & fraude cessante non fecerint, nec
fideliter adimpleuerint, eos in censu-
ras & pœnas prædictas incidisse, & insu-
per, si quod absit intra alios quindecim
dies proximè sequentes nō paruerint,
sed animo permanserint obdurato, di-
ctarum Ecclesiarum etiam Cathedra-
lium, etiam Metropolitanarū, & Mo-
nasteriorum quibus præsunt, ac qua-
rumvis dignitatum, Canonicatuū, &
præbendarum, Prioratum & Præposi-
turarum, Rectoriarū & beneficiorum
Ecclesiasticorum quorumcunque cū
cura, & sine cura, quocunque titulo,
honore, & nomine censeantur, aut ap-
pellentur, *privationis pœnam ipso facto in-*
currisse, tenore præsentīū, de potestatis
Apostolicæ plenitudine decernimus
& declaramus. Cæterum à suspensio-
nis, excommunicationis maioris, in-
terdicti Ecclesiastici & aliis censuris &
pœnis prædictis quicunque in eas in-
currerint, nullo modo absolui, aut li-
berari possint, neque etiam in foro cō-

scientiæ à quoquam seculari, vel cuius-
uis ordinis regulari presbitero vel præ-
lato quauis dignitate & auctoritate fun-
gente, nisi à nobis vel Roma. Pontifice
pro tempore existēte, & præterquā in
mortis articulo, & tunc nō nisi præstita
cautione de parēdo mandatis Ecclesię,
& congruè satisfaciendo, etiā prætextu
quarumuis facultatum & indultorum
etiam occasione Iubilei plenarij, vel
Cruciatię sanctę, seu confessionalium,
quibuscunque personis Ecclesiasticis
secularibus, & quorumuis ordinum,
etiam mendicantium & militiarū re-
gularibus, etiā Episcopali vel alia maio-
ri dignitate præditis, ipsiq; ordinibus
ac eorum Monasteriis, conuentibus,
domibus, Hospitalibus & locis piis, ac
cæteris personis supradictis per nos, &
dictā sedem & cuiusuis consilii, etiam
generalis, decreta verbo, literis aut
quacunque scriptura in genere vel in
specie concessorum, & innouatorum
etiam si in eis casus in literis die Cœnæ
Domini legi solitis expressi compre-
hendantur, nisi de præsentibus nostris
literis

literis specifica & expressa, non autem per clausulam, quorum tenores & alias quascunque clausulas generales idem importantes mentio fiat. Ut autē præsentes nostræ literæ ad ipsorum Archiepiscoporum, Episcoporum, Abbatum & Prælatorum, necnon Capitulorum, Collegiorum & conuentuum, atque aliarum supradictarum personarū notitiam facilius peruenire possint, easdem nostras literas tam in alma vrbe nostra in Lateranen. & Principis Apostolorum, Basilicarum & Cancellariæ Apostolicæ valuis, ac in acie Campifloræ per aliquem ex Cursoribus nostris, quam etiam in partibus Regni Franciæ, in valuis sex infra scriptarum, videlicet, Lugdunen. Rothomagen. Parisien. Aurelianen. Tholosan. & Aquen. vel saltem quatuor ex eis, vel aliarum in eodem Regno Franciæ consistentiū Cathedralium, vel Metropolitanarum Ecclesiarum more solito legi, & publicari & inibi affigi, & per aliquod temporis spatium affixas dimitti, eisque post modum inde detractis, earum ex-

empla in eisdem locis pariter affixa relinqui mandamus. Decernentes ut earundem literarum publicatio sic facta supradictos omnes, & eorum quemlibet perinde, arctet, obliget & afficiat, ac si litteræ ipsæ eis, vel eorum singulis lectæ, & personaliter intimatæ atque insinuatæ fuissent, cum non sit verisimile, ea quæ tam patenter & publicè facta fuerint, ipsos posse quoquomolibet ignorare. Quia verò difficile esset præfentes literas ad singula loca, ad quæ oporteret deferri, volumus, ut earum transcriptis, etiam impressis manu Notarii publici subscriptis, & sigillo personæ in dignitate Ecclesiastica constitutæ obfignatis, eadem prorsus fides habeatur in iudicio, & extra illud ubique gentium, & locorum, quæ haberetur eisdem presentibus, si essent exhibitæ, vel ostensæ. *Nulli ergo omnino hominum liceat hanc paginam nostræ requisitionis, monitionis, prefixionis, assignationis, declarationis, mandatorum, decretorum, & voluntatis infringere, vel ei ausu temerario contraire. Si quis autem hoc attentare præsumpse-*

sumpserit, *indignationē omnipotentis Dei*,
ac Beatorum Petri, & Pauli Apostolo-
rum eius se nouerit incursum. Datū
Romę, apud S. Petrum, Anno Incarna-
tionis Dominicę, Millesimo quingen-
tesimo nonagesimo, Kal. Martii, Pon-
tificatus nostri Anno primo.

L. Dat.

M. Vestrius Barbianus

A de Alexijs

ANno à Natiuitate D. millesimo
quingentesimo nonagesimo pri-
mo, indictione quarta, die verò 25. mē-
sis Maij, Pōtificatus sanctissimi in Chri-
sto Patris, & D. N. D. Gregorij diuina
prouidētia Papæ X I I I. Anno primo.
Retroscriptę literę monitoriales eiuf-
dem S. D. N. PP. ad Pręlatos, & alias
personas Ecclesiasticas Regni Francię,
lectę, publicatę, & intimatę fuerunt in
vrbe Roma, in valuis Basilicarum La-
teranen. & Principis Apostolorum, nec
non Cancellarię Apost. & in acie Cam-

C iij piflore

piſſoreꝝ, & inibi affixæ, ac ſic affixę per aliquod temporis ſpatiũ dimiſſę ſimiliter fuerunt, eiſque poſtmodum inde reſixis, & detractis, illarũ copię ſeu exempla cum hiſ originalibus auſcultata, & concordata in eiſdem locis affixa relictã ſunt iuxta earundem, & literarum formã & tenorem, per nos Octauium Taghetũ, & Nicolaum Drouyn prælibati S. D. N. Papæ Curores.

Pompeus Guerra Mag. Curſ.

FINIS.

A

pisfore, & inibi affixæ, ac sic affixę per aliquod temporis spatiũ dimissę similiter fuerunt, eisque postmodum inde refixis, & detractis, illarũ copię seu exempla cum his originalibus auscultata, & concordata in eisdem locis affixa relictæ sunt iuxta earundem, & literarum formã & tenorem, per nos Octauium Taghetũ, & Nicolaum Drouyn prælibati S.D.N. Papæ Cursores.

Pompeus Guerra Mag. Cursf.


FINIS.

ARREST DE LA COVR DE PARLEMENT SEANTE a Tours:

*SVR LES BVLLES MONITORIALES
de Gregoire, se disant Pape, &c.*




A cour ordonne, que sur le reply des lettres sera mis, *Leuës, publi-
cès, & enregistrees, ouy & ce requerant le procureur general du Roy:*
Et ayant esgard au surplus des conclusions par luy prises, A
declare & declare les bulles monitoriales donnees a Rome le
premier jour de Mars 1590, nulles, abusives, seditieuses, damna-
bles, pleines d'impietez & impostures: contraires aux saints de-
crets, droits, franchises & libertez de l'Eglise Gallicane: Ordon-
ne que les copies seellées du seau de Marcelline Landriane, soussignée, Sesteline
Lanpineto, seront lacerées par l'executeur de la haute justice: & bruslées a un feu,
qui pour cest effect sera allumé deuant la grand porte du palais. A fait inhibitions
& desfences sur crime & peine de lese maiesté, a tous prelates, curez, vicaires, & au-
tres Ecclesiastiques, d'en publier aucunes copies: & a toutes personnes de quelque
estat, qualité & condition qu'elles soient, d'y obeir, d'en auoir & retenir. A declare
& declare Gregoire, se disant Pape, quatoriesme de ce nom, ennemy de la paix, de l'
vnion de l'Eglise Catholique Apostolique & Romaine, du Roy & de son estat: ad-
herant a la conjuration d'Espagne, & fauteur des rebelles, coupable du tresuel,
tresinhumain & tresdetestable parricide, proditoirement commis en la personne
de Henry 3 Roy de tresheureuse memoire, treschrestien & tres catholique. A in-
hibé & desfendu, inhibe & desfend, sur semblable peine, a tous banquiers, respon-
dre ou faire tenir par voye de banque, a Rome, or, ny argent, pour auoir bulles, pro-
uisions, dispences, & autres expéditions quelconques: & si aucunes sont obtenues,
aux juges d'y auoir esgard. Ordonne la Cour, que Marcelline Landriane, soy di-
sant Nôce du dict Gregoire, porteur des bulles, sera prins aux corps & amené prison-
nier en la cociergerie du palais, pour la proces luy estre fait & parfaict. Et si prins &
& apprehendé ne peult estre, adjourné a trois briefts jours au plus prochain lieu
de leur accez de la ville de Soissons. Enjoint a tous Gouverneurs de villes, & Ca-
pitaines des Chateaulx & places fortes de l'obeissance du Roy de donner cōfort &
ayde au sus dict decret. Et pour rēdre la sainte & juste intētion du Roy notoire a ses
sujets, ordonne que copies collationées tant des lettres patentes que du present
arrest, seront mises & affichees par les carrefours & principales portes des Eglises
de ceste ville, & enuoyées aux balliages & seneschaussées de ce ressort, pour estre
leuës, publiées, Registrées & affichees cōme dessus: Et aux Archeuesques & Euef-
ques, pour estre par eux notifiées aux Ecclesiastiques de leurs dioceses. Enjoint
aux ballifs & seneschaux, leurs lieutenans generaulx & particuliers, proceder a la
publication: & aux substituts du Procureur general, de tenir la main a l'executi-
on, informer des contrauentions, & certifier la cour de leurs diligences, au moins
sur peine de priuation de leurs estats. A Tours en Parlement le 5 d'Aoust 1591. *Et
execute le dict jour, de releuée, Et plus bas est escrit.* Collationné a l'original par moy
Conseiller, notaire & secretaire du Roy, commis par la cour a l'exercice du greffe
d'icelle, Signé Fardieu, avec un paraphe.



THE
LIBRARY OF THE
MUSEUM OF
ART AND HISTORY
NEW YORK
1852

Senatus-consultum
CVRIAE PARLAMENTI
TVRONENSIS:

CONTRA BVLLAS MONITORIALES
GREGORII QVI SE PAPAM DICIT
eius nominis XIII.

 **M**ARIA constituit litterarum complicatura inscribi: Lecta, publica-
ta, & in tabulas relata, audito, & hoc requirente Procuratore
generali Regis. Et ratione habita reliquarum ab ipso illatarum
conclusionum, declaravit & declarat Bullas monitoriales, datas Roma,
primo die Martij 1590. nullas, abusuas, seditiosas, damandas, impietat-
um & imposturarum plenas: sanctis decretis, iuribus, immunitatib. &
libertatibus Ecclesie Gallicane contrarias. Constituit exempla sigil-
lata Marcellini Landriani sigillo, a Sestiliano Lampincto subsignata, † per supremum insti-
tia exsecutorem lacerari, & vri, igne ad eam rem pro foribus Palatij accenso. Inhibuit & ve-
tuit, sub crimine & pena Laesa Maiestatis, ne quis praelatus, parochus, vicarius, aut alius Ec-
clesiasticus ea publicet: neve quis, cuiuscunque status, qualitatis, conditionis sit, iis pareat, earve
habeat, aut retineat. Declaravit & declarat GREGORIVM, qui se Papā dicit XIII
eius nominis, hostem pacis & concordie Ecclesie Cath. Ap. Romanae, Regis Regnique: adha-
rentem Hispanica coniurationi: rebellium fautorem: reum crudelissimi omnium & inhum-
anissimi & maxime detestandi parricidij commissi in persona HENRICI III Regis, feli-
cissima memoria, Christianissimi, & inprimis Catholicici. Inhibuit & vetuit, inhibet &
vetat sub pena simili, Ne quis nummularius ex mensa sua Romae auream aut argente-
am pecuniam ad bullas, proiusiones, dispensationes aut alias expeditiones quasunque impe-
trandas rescribat. Si qua impetrata sint, iudices vetat earum habere rationem. Constituit ve
Marcellinus Landrianus, qui se prefati Gregorij nuncium dicit, bullarum gerulus, apprehen-
datur, & capitivus in carceres Palatij adducatur: ut istic causa eius agatur & peragatur. Si
verò capi & apprehendi non potest, trinundino citetur, in loco tuti accessus, Successorem vrbi
proximo. Inbet omnes urbium Praefectos, Capitaneos arcium & locorum munitorum, quae
in Regis fide sunt, supradicto decreto subsidium & auxilium dare.

Et ut Regis sancta, iustaque intentio subditis eius omnibus innotescat, Constituit tam
litterarum patentium quam praesentis SC. exempla, ad originale collata, poni & affigi in qua-
drivio huius urbis, & praecipuorum templorum valuis: Mitti ad Praefecturas restrictus hu-
ius, istic legenda, publicanda, & in Tabulas referenda, atq. affigenda ut supra: Mitti item ad
Archiepiscopos & Episcopos, ut per eos Ecclesiasticis diaecesos eorum nota fiant. Iuri autem
dicendo prepositos (Ballivos & Seneschalcos) eorumq. Locumtenentes generales & particula-
res inbet ad publicationem procedere: & substitutos Procuratoris generalis manum praebere
exsecutioni, & de contraventionibus inquirere: curiamq. de diligentia adhibita certio-
reddere: ut minimum sub pena priuationis officiorum.

Vrbe Turonicā in Parlamento V. Aug. 1591.

Exsecutioni mandatum eodem die à meridie.

Infra scriptum,

Collatum ad originale per me Consiliarium, Notarium, &
Secretarium Regis, ad Acta, à curia constitutum.

Signatum FARDIEV, addito signo
manuali.





constitutivas da Sciencia social I vol.

